

Այս ծովակը ևս նման Բագրևանդայ դաշտին ձուլածն դիրք ունի, սուր կողմն ուղղուած է նոյնպէս ի հարաւ արևելքս և դէպի Պայազխա, ուստի ջուր մի դուրս գալով Սարիբէղ հայ գիւղի մօտէն կանցնի, կուղղուի ի Պայազխա, որ մեծ ջուր կազմելով Մակուշով կանցնի, Երասխ կը թափի:

Ծովակս տաճիկ կառավարութեան կը պատկանի, կառավարութիւնը անդրով վաճառած է մի հայի, որը ոռոսական սահմանի մէջ եղող Աբաս կօլ գիւղէն ձրկնորսներ կը վարձէ, առատ ձուկ կորսայ. Ռուսաստանի մէջ կը վաճառէ:

Չմեռն չորս ամսոյ չափ կը սառի, վերան երթևեկութիւն կը լինի, հազարաւոր անասնոց խմբեր կերթան, կգան, տեղ տեղ քրդեր ծակ կը բանան, կարթով և ինչ ինչ հնարներով ձուկ կորսան:

Ծովակս կայ Կողբայ և Բագուանայ միջավայրն Մինակ լեռներու մէջ, երկուքից ևս 3 1/2-ական ժամ հեռի. հիւսիսային ստորոտը կընկնի Կողբ, իսկ հարաւային Բագուան. նաև 10-12 ժամ յարևելս Գարաքիլիսայի որև արևմտեան դաշտից ևս:

Աբաս-կօլ.— Գայլատոյ ծովակէն 3/4 ժամ ի հիւսիս Աբաս-կօլ գիւղի մօտ կայր մի լճակ, սորա մօտ գտնուած երեք գիւղացիք (հայ) առաջն պատնէշ հիւսելով՝ մեծ լիճ մի դարձուցին, ուստի տարւոյն երեք եղանակներուն մէջ առատ ջուր կը ստանան իւրեանց արտօրայքն ջրելու համար:

Կօլիկենի (նեխեալ ջուր) որ Մինակ լեռներու հարաւային կողերու վերայ փոքրիկ լիճ մէ, կայ նաև լճակ մի Թանդուրակայ կողերուն վերայ և Մերկեղերի բարձունքը նա և երկու ուրիշ լճակներ: